



ՄԵԾ ՊԱՀՈՑ ԽՈՐՀՈՒՐԴԸ*

Յանուն Հօր և Որդոյ և Հոգւոյն Սրբոյ. ամեն:

«Այսօր մաքրեցոյք պահօք քառասնօրեայ, զի եցոյք ի Էտուն իմանալի առ Աստուած» (Ծարական):

Այսօր մաքրվենք քառասնօրյա պահեցողութեամբ, որպէսզի իմանալի լեռը բարձրանանք, որտեղ Աստված է բնակվում:

Այս խոսքերով սրբազան շարականագիրը բնորոշել է քառասնօրյա պահքի իմաստը: Պահեցողութեամբ, ապաշխարութեամբ, աղոթքով և բարի գործերով մաքրվելու և սրբանշան համար հոգեպէս և այդպիսով բարձրանալու դէպի կատարելություն, դէպի արդարացում, դէպի Աստված:

Այս իսկ նպատակով է, որ մեր եկեղեցին սահմանել է հնագույն ժամանակներից սկսած քառասնօրյա պահքի շրջանը:

Այսօր ամեն հայ հավատացչալի համար քառասնօրյա պահեցողությունը անհրաժեշտ

տույնն է լինի, թե մարմնական և թե հոգեկան քարենորոգման իմաստով: Որովհետև որքան նյութական մարմինը կարիքն ունի վերանորոգման, նույնքան՝ և ավելի հոգին, «զի հոգի առաւել է քան գմարմին»: Մեծ պահքի շրջանը առավելապէս ոգեկան զորացման, հավատով ամրապնդման և բարի գործերով արդարացման շրջան է:

Ըստ Պողոս Առաքյալի, պահքի շրջանը առիթ է տալիս հավատացչային սանձելու մարմինը, հոգու թոյնքներին ընթացք տալու համար. «Զի ոչ է արքայութիւն Աստուծոյ կերակուր և ըմպելի, այլ՝ արդարութիւն և խաղաղութիւն և խնդութիւն ի Հոգին Սուրբ»:

Պահքի, ապաշխարութեան այս շրջանը մեզ համար հոգեկան վերանորոգման, սեփական խղճի խաղաղութեան և մեղքի կապանքներից ազատագրվելու մի շրջան է: Բայց նաև առիթ է խորհրդածութեան աշխարհի դժբախտությունների, մարդկային ցեղի ցավերի ախտաճանաչման և վերացման:

Ծմարիտ քրիստոնյան այն չէ, որ ինքնիրեն փրկված է համարում, այլ այն մանավանդ, որ փրկութեան ուղիներ է որոնում նաև իր նմանների համար: Քրիստոնյան իր անձի սահմաններից դուրս է գալու, լինելու համար հասարակական կյանքում արդարութեան, խաղաղութեան և խնդութեան մի առաքյալ: Քրիստոնյան՝ իր անձի մեջ պետք է պարփակի իր կրոնքի բոլոր առաքինությունները և քրիստոսատու: ր սերը անսակարկ կերպով բաշխի իր նմաններին, իր եղբայրներին:

Անճապարհներ պիտի կոչվենք, եթե այս-

* Մարտի 12-ին, չորեքշաբթի.—Միջինքի առթիվ ս. Էջմիածնի Մայր տաճարում կատարվում է Արևագալի հանդիսավոր ժամերգություն՝ Վեհափառ Հայրապետի նախագահությամբ: Հոգևոր ճեմարանի երգչախումբը կատարում է «Յարևելից», «Ծգնաորք Աստուծոյ», «Լոյս» և «Ժանապարհ» երգերը, որոնք ձայնագրվում են Երևանի ռադիոկոմիտեի միջոցով: Մարտի 16-ին, կիրակի օրը, երեկոյան ժամը 11-ին, Արևագալի երգերի հատվածներ հաղորդվում են Երևանի ձայնասփյուռով:

Այս առիթով հոգևոր ճեմարանի տեսուչ Ներսես Ծ. վարդապետը խոսում է սույն քարոզը:

օր աղոթեինք միմիայն մեր անձերի փրկության համար:

Մեր եկեղեցին մեզ ուսուցանում է աղոթել համայն մարդկության բոլոր զավակների համար՝ խորություն չդնելով ազգերի, հարքստի և աղքատի միջև: Արդ՝ «Արդարության և խնդության և խաղաղության ի Հոգին Սուրբ» վայելելու ենք այն ժամանակ, երբ մեր աղոթքներով ու աշխատանքով կարողանանք նպաստել աշխարհի խաղաղության և եղբայրասիրության տարածմանը՝ մարդկային ցեղի բոլոր զավակների միջև:

Արդարության և խաղաղության բացակայության պատճառով, պատմության ընթացքում մենք՝ որպես ժողովուրդ բազմիցս տուժել ենք: Այժմ մենք առավելապես գիտենք գնահատել այս գաղափարների արժեքն ու կշիռը: **Այսօր վտանգ է սպառնում ամբողջ աշխարհի ճակատագրին:** Երկնակամարի վրա մոռալ ամպեր են սավառնում՝ ան ու

սարսափ տարածելով խաղաղասեր մարդկանց սրտերում: Ահա այսպիսի օրերում, առավել տոգորված արդարության և խաղաղության իղձերով, երբեք չդադարենք մեր աղոթքը լսելի դարձնել Տիրոջը:

Պահոց շրջանի Միջինքի այս օրերին սրտեռանդ մաղթենք, որ Տերը բազմապատկի մեր հավատքն ու կամքի տոկոսությունը, որպեսզի կարողանանք Իր սրբազան պատվիրանները սիրել և կյանքի կոչել:

Թող մեր աղայանքները՝ «վասն խաղաղության ամենայն աշխարհի», հավերժական Էջմիածնի սրբազան խորաններից բարձրացող, հաճելի լինեն, որպես խունկ առաջի Աստուծո: Թող կարծրացյալ սրտերը փափկեն, փշրվեն անարդարությունների շղթաները և խափանվեն պատերազմները: «Զի ելցուք ի լեսոն առ Աստուած». խնդությանը վայելելու Փրկչի հրաշափառ Հարության ավետիքը, ամեն:

